

**REPUBLIKA E SHQIPËRISË**  
**ENTI RREGULATOR I ENERGJISË**

**LICENSË**  
**PËR**  
**PRODHIMIN E ENERGJISË ELEKTRIKE**

Numri i Liçensës:

Certifikata e Regjistrimit:

Seria:

Data e Hyrjes në Fuqi:

Liçenca i jepet:

Shoqëria:

NUIS:

Detyrimi për shërbimin publik:

Data e hyrjes në fuqi :

Kohëzgjatja :

Bazuar në autoritetin që i është dhënë në Pjesën e Pestë të Ligjit Nr. 43/2015 “Për Sektorin e Energjisë Elektrike”, Enti Rregullator i Energjisë (“ERE”) i jep këtë Liçensë Prodhimi (“Liçensa”), për të kryer aktivitetin e prodhimit të energjisë elektrike (PEE) ose/dhe për të përbushur detyrimin e shërbimit publik/universal, Personit të lartpërmendur, i quajtur “I Liçensuari”, subjekt i Kushteve të kësaj Liçense si dhe kushteve të përcaktuara në Vendimin e Bordit të ERE-s. Kjo Liçensë hyn në fuqi në datën e shkruar më lart dhe do të vazhdojë të jetë në fuqi për një periudhë prej \_\_\_\_\_, në rast se nuk përfundohet ose pezullohet nga ERE-ja në përputhje me Kushtet e Liçensës të përfshira këtu.

**KRYETARI I ERE-s**

**REPUBLIKA E SHQIPËRISË**  
**ENTI RREGULLATOR I ENRGJISË**

**KUSHTET E LIÇENSËS**

**PËR**

**PRODHIMIN E ENRGJISË ELEKTRIKE**

**Numri i Liçensës:**

Seria:

I jepet: (emri i plotë i te licensuarit)

## 1. Dispozita të Përgjithshme

1.1 ERE është autoriteti i vetëm në Republikën e Shqipërisë, i njohur sipas Pjesës së Pestë të Ligjit Nr. 43/2015 “Për Sektorin e Energjise Elektrike”, për të lëshuar dhe deklaruar hyrjen në fuqi të kësaj Liçense.

1.2 Nese ndonje kusht i kësaj Liçense bëhet nul ose shfuqizohet, ky kusht do të hiqet nga Kushtet e Liçencës dhe Kushtet e mbeturat të Liçences do të vazhdojne të jenë plotësisht në fuqi.

1.3 Asetet e të licensuarve me kapacitet të instaluar mbi 1 MW, apo kur asetet të cilat kërkohet të transferohen, kalojnë vlerën prej 150.000.000 lekë kërkohet miratimi i ERE.

1.4 ERE-ja ka të drejten ekskluzive për të ndryshuar këtë licensë, në rast se kushtet dhe rrethanat kanë ndryshuar si dhe për të përbushur dispozitat e çdo Kodi Rrjeti, Kodi Shpërndarje, Kodi Mates dhe Rregulla Tregu të miratuara nga ERE sipas Legjislacionit në fuqi.

1.5 Në çdo kohe, i Liçensuari do të mbaje vetëm një licencë për Prodhimin e Energjisë Elektrike.

1.6 Ne këtë Liçencë perfshirë Kushtet e Liçencës dhe Anekset e saj, përvèç kur konteksi e kërkon ndryshe, termat e përdorur do të kenë kuptimet sipas Ligjit Nr.43/2015 “Për Sektorin e Energjisë Elektrike”, si vijon:

<b>Shërbimet Ndihmëse</b>	Janë shërbimet e nevojshme për operimin e qëndrueshmë të sistemit të transmetimit ose shpërndarjes.
<b>Biznesi Shoqerues</b>	Çdo biznes tjetër që direkt ose indirekt, tërësisht ose pjesërisht: 1. është prone e të Liçensuarit; ose 2. ka pronësi të Liçensuarin; ose 3. është në pronësi të një Personi, i cili është pronë e të Licensuarit
<b>Ndër-Subvencionimet</b>	Transferim fondesh ose ndarje kostosh Brenda llogarive të të Licensuarit ose mes Bizneseve Shoqëruese përmeshtetje financiare të një aktiviteti ose biznesi me koston e një tjetri.
<b>Furnizim me energji</b>	Është shitja, përfshirë rishitjen e energjisë elektrike tek klientët.
<b>ERE</b>	“ERE” do të thotë Enti Rregullator i Energjisë që është institucioni rregulator i sektorit të energjisë elektrike dhe gazit natyror, i cili funksionon në përputhje me ligjin 43/2015 “Për Sektorin e Energjisë Elektrike” dhe ligjin nr. 102/2015, “Për Sektorin e Gazit Natyror”.
<b>Forca Madhore</b>	Është një akt ose ngjarje natyrore apo shoqërore, si tërmetet, rrufetë, ciklonet, përmbytjet, shpërthimet vullkanike, zjarret ose luftërat, konfliktet e armatosura, kryengritjet, veprime terroriste ose ushtarake, të cilat pengojnë të licencuarin të

	përbushë detyrimet e tij sipas licencës, si dhe akte apo ngjarje të tjera që janë përtej kontrollit të arsyeshëm dhe që nuk kanë ardhur për faj të të licencuarit dhe i licencuari nuk ka pasur mundësi të shmanqë një akt ose ngjarje të tillë nëpërmjet ushtrimit të vullnetit, përpjekjeve, aftësive dhe kujdesit të tij të arsyeshëm
<b>Prodhimi</b>	Është procesi i prodhimit të energjisë elektrike nga burime primare të energjisë.
<b>Njësi Prodhimi</b>	Njësite individuale dhe/ose pajisjet kryesore të impjantit ose impjanteve të poseduara nga I Licensuari për prodhim të energjisë elektrike siçpërshkruhen ne menyre më të plote ne Aneksin A.
<b>Legjislacioni ne Fuqi</b>	Ligjet e Republikës së Shqipërisë të miratuar nga Kuvendi i Shqipërise, dhe aktet e tjera nënligjore të miratura nga ERE apo organet e tjera të ngarkuara me ligj.
<b>Liçencë</b>	Është një e drejtë që i jepet një personi për ushtrimin e një veprimtarie në sektorin e energjisë elektrike, në përputhje me dispozitat e ligjit nr. 43/2015, "Për Sektorin e Energjisë Elektro".
<b>I Licensuari</b>	Personi që mban këtë Liçencë për prodhimin e Energjisë elektrike i përmendur ne faqen e parë të kësaj Liçencë.
<b>Personi</b>	Person do të thotë çdo person juridik i krijuar në përputhje me legjislacionin në fuqi.
<b>Central i Energjisë Elektrike</b>	Është një tërësi godinash dhe impiantesh të caktuara, të cilat kanë si funksion bazë prodhimin e energjisë elektrike.
<b>Sistemi i Energjisë Elektrike</b>	Është një sistem i ndërlidhur, i përbërë nga centralat elektrike, linjat elektrike, nënstacionet dhe pajisjet e transmetimit e shpërndarjes, me qëllim transmetimin apo shpërndarjen e energjisë elektrike te klientët
<b>Tarifat e Rregulluara</b>	Nje tarife, e aprovuar nga ERE-ja sipas Legjislacionit në Fuqi.
<b>Rregulloret dhe Rregullat</b>	Standartet, kodet, rregulloret, urdherat dhe rekomandime të tjera të miratuar nga ERE.
<b>Transferimi</b>	Transferim do të thote çdo shitje, dhënie me qera,ose ndonjë disponim tjeter, i plote ose i pjesshem, i se drejtes për t'u angazhuar ne Aktivitetin e Liçensuar apo i aseteve që sherbejne per aktivitetin e licensuar.
<b>Operatori i Sistemit të Transmetimit (OST)</b>	Është personi juridik, përgjegjës për operimin, mirëmbajtjen dhe zhvillimin e sistemit të transmetimit, duke përfshirë interkoneksionet me sistemet e tjera ndërkufitarë, për të siguruar aftësinë

	afatgjatë të sistemit për plotësimin e kërkesave të arsyeshme për transmetimin e energjisë elektrike.
<b>Operatori i Sistemit te Shperdarjes (OSSH)</b>	Është një person juridik, përgjegjës për operimin e sigurt, të besueshëm dhe të efektshëm të rrjetit të shpërndarjes, duke siguruar mirëmbajtjen dhe zhvillimin e sistemit të shpërndarjes, të shtrirë në një zonë të caktuar dhe, kur është e aplikueshme, lidhjet e tij me sisteme të tjera për të siguruar aftësi afatgjatë të sistemit për të përbushur kërkesat e arsyeshme për shpërndarjen e energjisë, në harmoni me mjedisin dhe eficencën e energjisë.
<b>Shërbimi publik</b>	Është shërbimi që sigurohet nga një i licencuar që operon në sektorin e energjisë elektrike, që lidhet me sigurinë dhe cilësinë e furnizimit, çmimet e rregulluara në sektorin e energjisë elektrike, eficencën e energjisë elektrike, energjinë nga burimet e rinnovueshme, mbrojtjen e mjedisit, përbushja e të cilit nuk cenon konkurrencën, përveç kur është e domosdoshme për të siguruar shërbimin publik në fjalë.

## 2.Kryerja e Aktivitetit të Liçensuar

2.1 I Liçensuari autorizohet nga kjo Liçence për të ushtruar Aktivitetin e Liçensuar në centralet elektrike qe përdorin Njesite Prodhuese të specifikuara në Aneksin A. I Liçensuari, në çdo kohe dhe ne çdo aspekt të Aktivitetit të tij të Liçensuar, do të prodroje Energji Elektrike ne përputhje me standartet e miratuara ne legjislacionin ne fuqi.

2.2 I Liçensuari do të njoftoje menjehere ERE-n për çdo ndryshim ne fuqine e instaluar te seilit prej Njesive Prodhuese ose centraleve elektrike të identikuara ne Aneksin A qe rrisin ose ulin kapacitetin prodhues të disponueshem nga i Liçensuari.

2.3 Çdo rritje e kapacitetit te instaluar, qe kalon 10% të sasise të kapacitetit të identifikuar ne Aneksin A, do të kerkoje një amendim të kesaj Liçence.

2.4 Ne rrethanat e përcaktuara në nenin 36 të ligjit nr. 43/2015 dhe me qellim qe të nxitet konkurenca ne tregun e energjisë elektrike, ERE sipas kushteve te vendosura nga Këshilli i Ministrave mund të kufizoje here pas here, kapacitetin total prodhues të autorizuar nga kjo Liçence.

2.5 Jo me vone se 30 dite nga leshimi i kesaj license i Liçensuari do të siguroje jeten dhe shendetin e njerezve si dhe asetat qe sherbejne per ushtrimin e aktivitetit ne përputhje me Legjislacioni ne fuqi.

2.6 I Liçensuari nuk do të pengoje, parandaloje ose tentoje të pengoje të liçensuarit e tjere ose konkurentet potenciale qe të angazhohen ose të hyjne ne menyre të ligjshme ne një nga aktivitetet ne sektorin e energjisë elektrikene Republiken e Shqipërise;

2.7 I Liçensuari nuk do të angazhohet ne Nder-Subvencionime. I Liçensuari do të ndaje llogarite e tij financiare sipas aktiviteteve qe ushtron ne perputhje me parashikimet e nenit 35 te ligjit 43/2015 “Per sektorin e energjisë elektrike”.

2.8 I Liçensuari nuk do të angazhohet ne asnje forme aktiviteti monopol të ndaluar nga Legjislacioni ne Fuqi ose rregulloret dhe rregullat e aprovuara nga ERE.

2.9 I Liçensuari do ta kryeje Aktivitetin e Liçensuar ne përputhje me parimet e eficencës ekonomike dhe objektivin përrritjen e kostove me të ulta.

2.10 I licensuari do të informoje ERE përpëra se të fillojë cdo aktivitet tjetër të ndryshëm nga ai përritjen e cilin është licensuar. ERE ka të drejtë të ndalojë ushtrimin e cdo aktivitetit tjetër të ndryshëm nga ai i të licensuarit kur e shikon të arsyeshme.

2.11 I Liçensuari nuk duhet të angazhohet ne aktivitete të tjera, qe pengojne ose mund të pengojne kryerjen e duhur të Aktivitetit të Liçensuar.

2.12 I Liçensuari do të informoje ERE para se të ndermanre ndonje aktivitet, përvèç Aktivitetit të Liçensuar. ERE mund të marrë masa në lidhje me të Liçensuarin nëse kryen çdo aktivitetin të ndaluar nga ERE, përvèç Aktivitetit të Liçensuar. Rastet në të cilat ERE mund të pengojë kryerjen e ndonjë aktiviteti tjetër kur qëllimi është mbrojtja e shëndetit të njerezve apo raste të tjera të natyrës së Forcës Madhore.

### **3. Detyrimet e të Liçensuarit**

I Liçensuari do të zbatojë Legjislacionin në Fuqi përfshirë dhe detyrimet e shërbimit publik të caktuara në perputhje me ligjin 43/2015 “Për Sektorin e Energjisë Elektrike”.

#### **3.1 Rregjistrimi**

I licensuari do të regjistrohet si pjesmarrës i tregut shqiptar të energjisë elektrike pranë Operatorit të Tregut sipas procedurave të regjistrimit dhe do të zbatojë parashikimet e VKM nr. 244, datë 31.04.2016, Rregullat e Tregut shqiptar të energjisë elektrike dhe aktet nënligjore të miratuara nga ERE përritjen e qëllimit.

#### **3.2 Llogaritë dhe Raportimi**

3.2.1 I Liçensuari do të mbajë rregjistra llogarie dhe do të përgatisë bilance financiare konform legjislacionit në fuqi dhe standardeve ndërkombëtare të kontabilitetit. I Liçensuari do t'i dorezoje ERE-s bilancet financiare vjetore së bashku me raportet e auditit brenda dates 31 Qershor të çdo viti.

3.2.2 I licensuari do të raportojë cdo muaj në ERE mbi energjinë e prodhuar gjatë një muaji, orët e punës, problematikat e hasura gjatë operimit. Të Liçensuarit i kërkohet të përgatisë dhe t'i paraqesë ERE-s deri me 31 Janar të çdo viti, një raport vjetor lidhur me operimet e tij gjate vitit kalendarik të mëparshëm dhe që përmban sa më poshte:

1. një përbledhje dhe analize të aktiviteteve të te Liçensuarit;
2. prodhimin e energjisë elektrike gjate vitit;

3. cilësinë e prodhimit dhe detaje të çdo mase të marrë për përmirësimin e cilesisë së prodhimit;
4. çdo defekt të ndodhur gjate vitit;
5. detaje mbi çdo ndryshim të bëra ne Asetet e Prodhimit, përfshirë detaje të çdo elementi që është zgjeruar, nxjerrë jashtë përdorimit ose zëvëndësuar gjate vitit.

3.2.3 Nëse i Liçensuari parashikon një situate emergjencje siç përcaktohet nga Legjislacioni në Fuqi, i Liçensuari do të njoftoje pa vonese ERE-n dhe ky njoftim do të përshkruajë çfarë masash do të marrë i Liçensuari për të parandaluar ose përmiresuar ndikimet e situates emergjente në prodhimin e energjisë elektrike.

3.2.4 I Liçensuari do të ndajë shpenzimet e përbashkëta mes Aktivitetit të tij të Liçensuar dhe aktiviteteve të tjera (përfshire dhe ato të liçensuara). I Liçensuari do t'i paraqese ERE-s dokumentacionin qe tregon bazat për ndarjen e shpenzimeve të përbashketa.

3.2.5 I Liçensuari do të njoftoje ERE-n brenda 10 diteve për çdo ndryshim te:

- a) adresës;
- b) statutit të të Liçensuarit;
- c) çertifikates së regjistrimit;
- d) NUIS;
- e) drejtuesve kryesore;

3.2.6 Gjithe njoftimet zyrtare, aplikimet, peticonet, deklaratat ose korrespondanca tjeter me ERE-n lidhur me detyrimet sipas kesaj Liçence duhet të jene me shkrim, duke caktuar respektivisht nga një zyrtar të autorizuar ose përfaquesues tjeter të te Liçensuarit ose të ERE-s. Keto dergohen me korrier ose poste të regjistruar, duke kerkuar një verifikim të fletës se marrjes. Adresat e Paleve duhet të vendosen mbi zarf. Gjithe njoftimet ose korrespondanca tjeter do të konsiderohen se hyjne ne fuqi nga momenti i dorezimit, ose nese nuk jane dorezuar për shkak të gabimit të derguesit, nga momenti i prezantimit. Do te konsiderohen te pranuara edhe gjithe njoftimet e derguara permes postes elektronike zyrtare te komunikuar me pare zyrtarisht nga palet.

### **3.3 Përdorimi i Informacionit**

3.3.1 I Liçensuari do të siguroje që çdo informacion i marrë nga të tjerë si rezultat i Aktivitetit të tij të Liçensuar nuk do ti jepet askujt, me përjashtim të rasteve kur:

- a) jepet pëlqimi paraprak me shkrim i Personit me të cilin lidhet informacioni;
- b) kur informacioni është bërë publik;
- c) te Liçensuarit i kërkohet ose i lejohet të përhapë informacionin për të përmbushur Kushtet e kësaj Liçence sipas një urdheri të ERE-s, ose çdo dispozite ligjore të aplikueshme.

3.3.2 I Liçensuari do të siguroje që çdo Biznes Shoqërues nuk do të përdoreasnje informacion në posedim të të Liçensuarit për të fituar një avantazh konkuries të pajustifikuar, dhe do të sigurojë që nuk do të përhapë asnje informacion tek ndonjë Person tjetër (përfshirë ata të nje Biznesi tjetër

Shoqërues) gjë që do të mundësonë këtë Person të fitonte çdo lloj avantazhi komercial të pajustifikuar.

3.3.3 Informacioni i dërguar ERE-s nga i Licensuari do të konsiderohet publik me përjashtim të rasteve kur me kërkesë specifike të te Licensuarit, ERE- me vendim, përcakton qe ky informacion është i natyres pronesore dhe se përhapja e tij nuk i sherben interesit publik.

3.3.4 I Licensuari do të zbatojë Kodet, Rregulloret dhe Rregullat e tjera të aprovuara nga ERE-ja si dhe rregullat e operimit dhe shfrytezimit të OST, përfshirë kryerjen e gjithë urdhërave operative, instruksioneve ose udhëzimeve dhe paraqitjen e informacionit teknik dhe gjithë dokumentacionit tjetër të kërkuar nga OST apo OSSH.

### **3.4 Detyrimet ndaj Operatorit të Sistemit të Transmetimit**

3.4.1 I Licensuari do të sigurojë Shërbime Ndihmëse sipas marreveshjeve të lidhura me Operatorin e Sistemit të Transmetimit në përputhje me legjislacionin në fuqi.

3.4.2 Marreveshjet për shitblerjen e energjise elektrike me cmime të rregullura duhet të përputhen me kontratat model të miratuara nga ERE.

### **3.5 Rritja ose Ulja e Kapacitetit Prodhues.**

3.5.1 I Licensuari do të informojë ERE-n dhe Operatorin e Sistemit të Transmetimit mbi reduktimin e pjesshëm ose të plotë të kapacitetit prodhues, të pakten një vit para realizimit të tij duke paraqitur një shpjegim të detajuar për këtë qëllim. ERE-ja mund ta përjashtoje të Licensuarin nga ky detyrim në rast se reduktimi i kapacitetit të prodhimit shkaktohet nga një Forcë Madhore.

3.5.2 Mosmarreveshja mes të Licensuarit dhe një të licensuari tjetër që ka të bëjë me një çështje brenda juridiksionit të ERE-s që nuk mund të zgjidhet nëpërmjet negociatave të palëve, do të zgjidhet nga ERE-ja, pasi të dëgjojë më parë palët, brenda qëllimit të autoritetit të ERE-s dhe në përputhje me Rregulloret dhe Rregullat e tij.

### **3.6 Pagesat e Rregullimit**

3.6.1 I Licensuari do të paguajë pagesën e rregullimit në mënyrën e përcaktuar nga ERE gjatë afatit të kësaj Liçence në përputhje me nenin<sup>17</sup> të Ligjit Nr. 43/2015“Për Sektorin e Energjisë Elektrike”.

3.6.2 Nëse i Licensuari nuk i paguan ERE-s pagesat e rregullimit në përputhje me paragrafin 3.10.1, brenda afatit të përcaktuar në ligjin nr. 43/2015,“Për sektorin e energjisë elektrike”, i Licensuari do të penalizohet në përputhje me Nenin 107, të po këtij ligji.

## **4.Kontrolli mbi Kryerjen e Aktivitetit të Licensuar**

4.1 ERE-ja do te monitoroje zbatimin e Kushteve të Liçenses nga i Licensuari, do të shqyrtojë raportet e marra nga i Licensuari dhe, në çdo kohe, mund të monitorojë regjistrimet e llogarive të të Licensuarit dhe të kerkojë një auditim teknik dhe/ose kontabël të aktiviteteve të tij.

4.2 Përfaqësues të autorizuar të ERE-s kanë të drejte të monitorojë objektet e të Liçensuarit, pajisjet dhe dokumentat e tij për të verifikuar përporthjen e kryerjes së Aktivitetit të Liçensuar me kushtet e liçenses si dhe aktet ligjore në fuqi.I Licensuari do të marrë cdo masë të nevojshme për të siguruar monitorimin nga ana e ERE pas marrjes së njoftimit.

4.3 Ne bazë të ankesës së çdo pale të tretë ose në bazë të vetë propozimit të ERE-s, ky i fundit mund të nisë një hetim mbi zbatimin nga i Licensuari të kushteve të Liçencës së tij ose të akteve ligjore në përporthje me kompetencen e ERE në sektorin e energjisë elektrike.

4.4 I Licensuari do të informojë ERE-n duke dhënë shpjegimet dhe arsyet për çdo shkelje të ketyre Kushteve të Liçences brenda 7 diteve pune nga momenti kur kjo shkelje behet e njobur për të Liçensuarin.

4.5 Nëse pas hetimit, ERE konkludon se i Licensuari nuk i ka zbatuar Kushtet e Liçencës, ERE mund të korrigojë tarifën dhe kontratat e të Liçensuarit dhe/ose të marrë masa të tjera brenda qëllimit të autoritetit të tij për të mbrojtur interesat e konsumatoreve të energjisë elektrike.

4.6 I Licensuari do t'u bindet vendimeve të marra nga ERE-ja, përfshirë pagesën e gjobave të vendosura nga ERE-ja, në përporthje me Legjislacionin ne Fuqi.

## 5. Amendamenti i Liçencës

5.1. ERE-ja mund të amendojë Kushtet e Liçencës në rast si më poshtë:

- a) me iniciativë të ERE;
- b) në bazë të një vendimi gjyqësor të formës së prerë,
- b) kur ndryshojnë kushtet e kontratës koncesionare
- c) me kërkesën e të licencuarit

ERE merr në konsideratë ndikimet e pritshme që modifikimet e iniciuara apo të propozuara sjellin ndaj detyrimeve që i licencuari ka në përporthje me ligjin nr.43/2015 dhe kushtet e licencës së tij si dhe Rregullores për Procedurat e Licensimit, Modifikimit, Transferimit Rinovimin dhe Heqjen e Licensave ne Sektorin e Energjisë Elektrike .

5.2. Përpara miratimit të modifikimit të një licence, ERE publikon modifikimet e propozuara dhe shqyrton vërejtjet ose ankesat e mundshme, të paraqitura nga palët e interesuara lidhur me këtë proces.

## 6. Heqja e Liçencës

6.1 ERE heq një licencë kur i licencuari:

- a) nuk përbush më kushtet thelbësore të licencës së dhënë ;

- b) shkel dispozitat ligjore për mbrojtjen e mjedisit gjatë kryerjes së veprimtarisë së tij;
- c) rrezikon jetën, shëndetin dhe pasurinë e qytetarëve;
- ç) nuk kryen pagesat e rregullimit, të vendosura nga ERE,
- d) bëhet financiarisht i paaftë ose kërkon shpalljen e falimentimit;
- dh) me kërkesë të të licencuarit;
- e) ka pushuar së kryeri funksionet e caktuara sipas licencës.

6.2 Nëse i Licensuari ndryshon statusin e tij ligjor ose nëse aksioneri/ortaku që kontrollon interesat e të Licensuarit ndryshohet pa autorizimin e ERE-s, Liçenca bëhet nul (e pavlefshme) dhe anullohet dhe pasuesi i të Licensuarit do të aplikojë për një licencë të re në përputhje me procedurat e ERE-s për dhenie liçence.

- a) Kjo License mund të transferohet vetëm me vendim me shkrim te ERE-s dhe sipas afateve dhe kushteve te vendosura nga ERE. Çdo vendim i ERE-s për ndonjë transferim të kësaj Licence do të jetë subjekt i gjykimit të ERE-s nëse personi të cilit i transferohet licenca do të ketë aftesinë teknike dhe financiare për të plotësuar afatet dhe kushtet e kësaj Licence.
- b) Çdo transferim i kësaj Licence pa miratimin e ERE-s do të anullohet dhe do të përbëjë një shkelje të kësaj Licence. Kur Licensa përfundon si pasojë e shkeljeve nga i Licensuari të kushteve të Licences, i Licensuari do të përgjigjet për koston që i shakton ERE-s, dhe pjesëmarrësve të tregut si rezultat i këtij përfundimi, siç përcaktohet nga ERE, perfshire kostot lidhur me transferimin e rregullt të Licensës tek një i Licensuar i ri.
- c) Kur ERE përcakton se i Licensuari ka shkelur një ose më shumë kushte të Licensës, të Licensuarit do t'i jepet një mundësi e arsyeshme për ta korrigjuar shkeljen para perfundimit të Licensës. Përjashtim bëjnë rastet kur nga organet kompetente konstatohen shkelje të natyrës korruptive.

## **7. Zgjidhja e Mosmarrëveshjeve dhe e Drejta për Apelim**

7.1 Cdo çështje e diskutueshme ose kërkesë mes të Licensuarit dhe çdo Përdoruesi të Sistemit të Transmetimit lidhur me Aktivitetin Dispeçerues ose kushtet e Liçencës do të zgjidhet sa më shume që të jetë e mundur me mirëkuptim.

7.2 Nëse zgjidhja nuk arrihet me mirëkuptim, atëherë ERE-ja në bazë të kërkesës së një prej palëve në mosmarrëveshje do ta zgjidhë mosmarrëveshjen dhe do të nxjerrë vendimin e tij në përputhje me Legjislacionin në Fuqi.

7.3 Çdo palë në konflikt mund të apelojë kunder vendimeve të ERE-s në Gjykatën Administrative Tirane Brenda 30 ditëve kalendarike nga data e publikimit të vendimit në Fletoren Zyrtare.

7.4 Subjektet e licencuara do të zbatojnë vendimet e ERE-s, deri në një vendim gjykate të formës së prerë".

Seria: \_\_\_\_\_

Numri i Liçencës: \_\_\_\_\_

**Republika e Shqipërisë**

**Enti Rregulator i Energjisë**

**LICENCE**

**PËR**

**PRODHIMIN E ENERGJISË ELEKTRIKE**

Licenca i jepet:

Data e hyrjes në fuqi të këtij Aneksi:

## ANEKSI A

### LISTA E AUTORIZUAR E IMPJANTEVE DHE NJËSIVE GJENERUESE TË ENERGjisë ELEKTRIKE

Impianti

---

Numri i Njesise

---

Kapaciteti I Instaluar

---

Dt. e Venies ne Sherbim

---